



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան

<<22>> ապրիլ 2019թ

ՈՐՈՇՈՒՄ ԹԻՎ 3254/1

ՀԱՐԿ ՎՃԱՐՈՂԻ ԴՐԱՄԱՐԿՂՈՒՄ ԱՌԿԱ ԿԱՆԽԻԿ ԴՐԱՄԱԿԱՆ ՄԻՋՈՑՆԵՐԻ ՎՐԱ
ԱՐԳԵԼԱՆՔ ԴՆԵԼՈՒ ՄԱՍԻՆ

ՀՀ ՊԵԿ ԻՎ ՀԳ բաժնի գլխավոր մասնագետներ Վ. Հարությունյանս և Ս. Պետրոսյանս

/ՀՀ ՊԵԿ ստորաբաժանման անվանումը, պաշտոնը, անուն, ազգանունը/

Համաձայն ՀՀ պետական եկամուտների կոմիտեի նախագահի 02.04.2019թ. թիվ ԱՀ3254 հանձնարարագրի և ուսումնասիրելով թիվ 316-77 Ա, 1488-77 Ա վարչական վարույթների և հարկ վճարողի վերաբերյալ նյութերը

Պարզեցինք

<<ԷՅ ՋԻ ՖՈՒԴ>> ՍՊԸ-ի (ՉՎՀՀ՝ 02256573, հասցե՝ ք.Երևան, Շարուրի 24/3 2., պետ. գրանցման համար՝ 269.110.767238) նկատմամբ ՀՀ ՊԵԿ իրավաբանական վարչության պետի կողմից 12.12.2018թ-ին, 14.01.2019թ-ին կայացվել է թիվ 316-77 Ա և 1488-77 Ա որոշումները համապատասխանաբար 311.402 դրամ, 643.106 դրամ գանձելու վերաբերյալ: Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին: 05.04.2019թ.-ի թիվ 3254 որոշմամբ արգելանք է կիրառվել <<ԷՅ ՋԻ ՖՈՒԴ>> ՍՊԸ-ի բանկային հաշիվներում առկա դրամական միջոցների վրա 1.082.422 դրամի չափով:

ՀՀ Հարկային օրենսգրքի 431-րդ հոդվածի 2-րդ մասի 1-ին կետի համաձայն հարկ վճարողի բանկային հաշիվներում առկա դրամական միջոցների բացակայության հետևանքով անհրաժեշտ է ղեկավարվել ՀՀ Հարկային օրենսգրքի 431-րդ հոդվածի 2-րդ մասի 2-րդ կետով և արգելանք կիրառել դրամարկղում առկա կանխիկ դրամական միջոցներ վրա:

Վերոգրյալի հիման վրա, ղեկավարվելով ՀՀ Հարկային օրենսգրքի 429-րդ 430-րդ և 431-րդ հոդվածներով՝

Որոշեցինք

Արգելանք դնել << ԷՅ ԶԻ ՖՈՒԴ>> ՍՊԸ-ի (ՀՎՀՀ՝ 02256573) դրամարկղում առկա կանխիկ դրամական միջոցների 1.082.422 դրամի չափով:

Նրան արգելել արգելադրված գույքը օգտագործել և /կամ/ տնօրինել և /կամ/ տիրապետել:

Որոշման պատճենը ոչ ուշ քան այն ընդունելու հաջորդ օրը, պատշաճ ձևով ուղարկել հարկ վճարողին:

Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

Սույն որոշումը կարող է բողոքարկվել հարկային մարմին կամ ՀՀ վարչական դատարան: Որոշման արտադատական կարգով բողոքարկումը, համաձայն ՀՀ Հարկային օրենսգրքի 432-րդ հոդվածի 5-րդ մասի, չի կասեցնում որոշման կատարումը:

Վ. Հարությունյան
/Արգելանք դնող պաշտոնատար
անձի անունը, ազգանունը/

Ս. Պետրոսյան
/Արգելանք դնող պաշտոնատար
անձի անունը, ազգանունը/



Սույն որոշումը ստանալու պահից Դուք նախազգուշացված եք արգելադրված գույքը կամ դրա առանձին բաղադրամասերը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին: